

الإحسان فى شعبان | الشيخ #محمد_خيرى #الدرس_الأسبوعي

جميل

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله. وبعد - [00:00:01](#)

لله الحمد والمنة على ان الله سبحانه وتعالى حلم بنا واصطفانا واختارنا وامهلنا حتى اخرنا لازمنة الصلح معه هذا اللقاء هو سيكون
اه متعلق بهذا الشهر المبارك شهر شعبان اكرمنا الله واياكم فيه - [00:00:22](#)

حسن الاقبال عليه وحسن الطاعة واسأل الله ان يستعملنا واياكم فيه استعمالا مقبولا رضيا مرضيا شعبان هو شهر الارتياض قلنا من
قبل ان كان رجب هو الترويض. فرمضان هو الروضة - [00:00:57](#)

وما بينهم الارتياض هذا هو شهر شعبان شعبان هو الشهر الذي ستسافر فيه فاذا اردت ان تصل الى رمضان وصولا مقبولا وتجد الاقبال
والقبول ان شاء الله فعليك ان تسير - [00:01:25](#)

سيرا حسنا بشعبان حتى توفق كالبناء في رمضان لان رمضان ان كان هو روعة البناء ففي العيد فرحة النظر الى هذا البناء ولماذا
نفرح في العيد نفرح بالبناء الذي بنيناه - [00:01:48](#)

في رمضان من اين نشترى ادوات هذا البناء نشترىها قبل رمضان ففي واحد عاوز يبني قصر جميل جدا في رمضان القصر ده هيبنيه
ازاي هيشترى الادوات بتاعته ويبدأ يجمع الفلوس ويتفق مع التجار - [00:02:14](#)

ويزبط الارض ويظهر الارض اللي هيبني فيها عشان يبجي يوم العيد يبقى العيد فرحة؟ نعم فرحة النزر الى البناء الى روعة البناء
الذي وفقه الله سبحانه وتعالى فيه شهر شعبان - [00:02:34](#)

كما لا يخفى على شريف علمكم هذا الشهر كان النبي صلى الله عليه وسلم يتعامل معه تعامل خاص والنبي صلى الله عليه وسلم
بطبيعته هو يجتهد طول العام ولكن اذا جاء شعبان يخصه بخصوصية - [00:02:53](#)

لماذا اسامة الحب ابن الحب رضي الله عنه دخل على النبي صلى الله عليه وسلم يستفسر ويسأل النبي صلى الله عليه وسلم عن سر
هذه الخصوصية. فقال يا رسول الله - [00:03:17](#)

لما اراك او لم اراك تصوم شهر من الشهور ما تصومه من شعبان هنا اخبره النبي العدنان صلى الله عليه وسلم بالسر فقال ان ذاك شهر
يغفل فيه كثير من الناس. كثير من الناس يغفل عنه - [00:03:37](#)

واحب وشهر ترفع فيه الاعمال. واحب ان يرفع عملي وانا صائم. الكلام ده اتكلمنا فيه في المحاضرة اللهم بارك لنا في شعبان فمن
اراد ان يعني يستزيد فعليه بالرجوع لهذا اللقاء ففيه تفصيل - [00:03:58](#)

شهد ان النبي صلى الله عليه وسلم هنا اخبر خبرا باتعا موضحا لاسامة ولغيره ولكل محب يريد اتباع السراج المنير صلى الله عليه
وسلم فالنبي يقول لنا ان الشهر ده فيه ناس كثير - [00:04:18](#)

بتبقى غفلة عنه وسبحان الله الشهر ده كمان قدرا في هذه الايام الناس مشغولة ما بين الدراسة وما بين الاحتكاكات والامتحانات وما
بين الاحداس اللي موجودة في العالم كله ويقتل انه سمي شعبان لانهم كانوا يذهبون للشعاب - [00:04:41](#)

يأتون يتزودون بالماء العرب زمان يروحوا عشان يجيبوا مائة عشان شهر رمضان اللي ايه بتكون فيه الحجارة حارة جدا ترمد

فيه الحجارة تبقى الدنيا حرف فإيه فسبحان الله اسم على مسمى - [00:05:03](#)

ففي تشعب ففي ناس ممكن تتشعب في الغفلة وفي ناس بالعكس تتشعب في الطاعة هادا الشهر ترفع فيه الاعمال انا بعيد عن ربنا

بعمل طول السنة ديت زنوب وابتعدت خالص عن ربنا - [00:05:21](#)

النبي صلى الله عليه وسلم اخبرنا انما الاعمال بالخواتيم العبد الحبشي اللي كان في يوم خيبر الراجل ده ما حدش عارف اسمه وكتب

التاريخ ما زكرتش اسمه بوضوح ما كانش راجل من اسرياء الناس - [00:05:42](#)

ولا كان راجل ممن له شأن في القرار السياسي والقرار الدولي كان اه راجل اخره ان هو بيسوق غنيمات لسيدة فالنبي صلى الله عليه

وسلم كان ماشي مع مجموعة من الجيوش تحفه جيوش المسلمين - [00:06:04](#)

ومتجه الى الشمال شمال المدينة حيس ان ديار المغضوب عليهم وكانوا اليهود انذاك تأمروا على النبي صلى الله عليه وسلم

واستنصال مدينة رسول الله صلى الله عليه وسلم. فذهب النبي ليحارب هؤلاء - [00:06:29](#)

وحاصرهم كان الناحية الثانية من حصن هؤلاء خاصة لما الامور اشتدت النبي يقول لعامر ابن سنان رضي الله عنه ابن الاكوع مع ابن

سلمة بيقول له آآ يعني انشدنا حاول كده ايه تمتع الجيش - [00:06:50](#)

وتحاول تخليهم بيكونوا شوية آآ انتم عارفين الواحد بيستصحب بعض الناس ممكن يهيج سبحان الله من معه. يحفزهم يعني.

يحرز وده شيه بالشيه يذكر ان كل واحد عنده مهارة يحاول يستثمرها - [00:07:12](#)

ولان النبي مكتشف المهارات ومسكن هؤلاء في المكان الذي ينفعهم فيقول له خذ لنا من هنالك يعني قل لنا نشد لنا. فعامر كان بيقول

اياه بقى اللهم لولا انت ما اهتدينا ولا تصدقنا ولا صلينا - [00:07:34](#)

فالقين سكينه علينا وثبت الاقدام الاقينا. انا اذا صيح بنا اتينا وبالصياح عولوا علينا كلام يعني جميل قوي يخلي اللي ما يشتغلش

يشتغل فسبحان الله النبي صلى الله عليه وسلم - [00:07:53](#)

اه تفاعل جدا مع هذا الامر. ولما اه هؤلاء المغضوب عليهم خافوا. قال نبي الله اكبر خربت خيبر الضجة دي تخندق اهل خيبر اليهود

وتسلحوا بسلاحهم. وجه العبد الحبشي ده الاسود الذي - [00:08:14](#)

صحيفته بيضاء مرة على اليهود فقال لماذا تتخندقون وتجمعون سلاحكم فقالوا له كلمة واحدة بس سبحان الله ايه الكلمة اللي قالوها

قالوا نقاتل الذي يزعم انه نبي بس كلمة عادية خالص. الكلمة ديت تفرق معنا في حاجة - [00:08:36](#)

الكلمة دي لا هي دعوة ولا سماع محاضرات ولا متابعة دروس ولا اي حاجة. لكن الهادي سبحانه وتعالى اذا اراد ان يهدي وقذف الله

سبحانه وتعالى النور في قلب هذا الرجل - [00:09:02](#)

فذهب الى مكان الجهة الاخرى من المسلمين. وقال للنبي صلى الله عليه وسلم من انت فقال النبي صلى الله عليه وسلم انا رسول الله

قال وما تدعو اليه؟ قال ادعو الى الاسلام - [00:09:21](#)

وان تشهد ان لا اله الا الله واني رسول الله والا نعبد نعبد الا الله سبحانه وتعالى فقال العبد فما لي ان شهدت وامنت بالله سبحان الله!

الراجل ده فطريا - [00:09:41](#)

يعني بيقول له يا رسول الله احنا كبشر بنحب المكافأة يعني انا بشتغل وبقيم الليل وبتعب والكلام ده انا بحتاج مكافأة مكافأتي

الجامعة مكافأتي الخلود الابدي في جنات عرضها السماوات والارض - [00:09:59](#)

فالنبي صلى الله عليه وسلم قال له مطمئنا مبشرا لما قال له انا هيكون لي ايه؟ قالوا لك الجنة ان مت على ذلك انشرح صدره وفز

قلبه لرضى الله فاعلن اسلامه - [00:10:14](#)

وبعدين قال للنبي صلى الله عليه وسلم يا رسول الله ان هذه الغنم امانة عندي هذه الغنم امانة عندي اعمل بها ايه فالنبي ما قلوش

بقي ده ديت ايه؟ غنيمة باردة وهتبقى من نصيبنا. قال اخرجها من عندك وارمها بالحصباء. سبها في المكان ده اللي قريب من اليهود -

[00:10:36](#)

فان الله سيؤدي عنك امانتك سبحان الله ايه اللي حصل هذا الرجل ما كنش فيه وقت انه يتعلم الاسلام ويتعلم الوضوء ويتعلم الصلاة

ويتعلم الحج والزكاة وان في رمضان وان في رجب وفي شعبان ما لحقش - [00:10:56](#)

فكان من الشهداء في هذه المعركة جيء به الى فسطاط النبي صلى الله عليه وسلم فالقى النبي عليه نظرات ثم قال ايها الناس لقد

اكرم الله هذا العبد وساقه الى خيبر - [00:11:17](#)

ولقد رأيت عند رأسه اثنتين من الحور العين ولم يسجد لله سجدة واحدة يا ربي ولم يسجد لله سجدة واحدة. ليه لان النبي قال لنا

كما في صحيح البخاري انما الاعمال بالخواتيم - [00:11:36](#)

انا طول السنة ماشي غلط وبعيد وملخبط الدنيا واركتبت ما لا ينبغي ولا استطيع ان ابوح ببعضه اعلم ايه المعاملة مع الرب سبحانه وتعالى الودود انما الاعمال بالخواتيم السنة دي النبي صلى الله عليه وسلم يقول لنا بترفع اعمالها في شهر شعبان. ترفع فيهم الاعمال.

رفعة خاصة - [00:11:58](#)

تقرير خاص بكشف حساب كشف حساب ده بقى ايه اللي هيحصل فيه انت طول السنة كنت شغال بعيد جات لك الفرصة جات لك

الفرصة ان الفرصة دي تشد فيها فهنا النبي يقول - [00:12:27](#)

يفغل عنه كثير من الناس ترفع فيه الاعمال عشان كده رب عمر قصرت اماده واتسعت اماده بعمر دلوقتي قليل عنده سبحانه الله

سعد بن معاذ وقته في الاسلام قليل لكن سبحانه الله جنازته حضرها سبعون - [00:12:46](#)

الف ملك اهتز لها عرش الرحمن طربا لموت سعد اللي هو قعد قد ايه في الاستقامة ست سنين. ليه؟ عمر قلت اماده. واتسعت اماده

بيخلص في ناس كده يا جماعة - [00:13:11](#)

في ناس كده عشان كده هيحي معانا شعبان هناخد من حرف الباء ده البركة ان شاء الله وهنتكلم فيها بس مش بركة بقى ليه؟ لان بعض الناس بيتعامل ان البركة ديت ان آآ يا رب بارك لي في شعبان وبارك لنا في رمضان. البركة دي يقصد بها ايه؟ يعني ربنا بقى ايه

- [00:13:30](#)

يعني آآ يكون عنده الخشاف وعنده آآ مش عارف السمبوسة وعنده الاكل وعنده كزا وعنده كزا وعنده كزا سبحانه الله! شعبان والفترة

اللي احنا فيها ديت الى آآ رمضان هو وقت زاهرا يسير - [00:13:49](#)

اليسير من الزمن ده فيه كثير من المنن هو زمن يسير اليسير من الزمن كثير من المنن اهم حاجة انك توفق وتلقط عشان تستعد في

هذا الشهر وكان لنا محاضرة من استعد استمد - [00:14:09](#)

فشعبان فيه استعداد للامداد في رمضان لليلة الوداد اللي هي في العشر ليلة الصلح بقى وليلة فيها يفرق. كل امر حكيم ليلة الوداد

ربنا بيلغنا واياكم فيها ويرزقنا واياكم التوفيق - [00:14:32](#)

لشهر شعبان محتاجين ان احنا نعيد تصحيح المفاهيم ومهما قصرت التقصير لا يمنع ابدا التشمير انك تشمر ثاني في عبادتك وتبدأ

وانك تستدرك الباب ده مهم اوي فالواحد لما يكون نفسه في الكسير من المنن - [00:14:52](#)

باليسير من الزمن ده لابد ان هو بقى يفوق وكنت قلت قبل كده شعبان او رمضان من دخله بقلب متسخ نضف ولا بد ان شاء الله. اللي

يدخل رمضان وقلبه متسخ - [00:15:23](#)

نظف هيتنضف ان شاء الله ولا بد باذن الله ومن دخل بقلب طاهر ملئ عسلا يتملي شهد فانت على حسب على حسب انا النهاردة لو

قلت لكم ان انا معي عصير جميل اوي - [00:15:45](#)

العصير ده او معي ماء زمزم وانا حاعطي كل واحد منكم اه واملأ الاناء الذي سيأتي به. في واحد جايب باناء متسخ هياخد؟ اه طبعاً

هياخد بس المية دي هيستمع بها ولا هيحس ان هي متطربة وفيها بعض العقارة - [00:16:05](#)

هتكون متعكرة بس هيستمع بها وهيستفيد. ليه؟ مكان الاناء بتاعه فاضي بس اما يتحط فيها ماء زمزم وان كان متربة بس جميل.

طيب اللي جاي بقى باناء نضيف هيستمع بالمية - [00:16:28](#)

استمتع بها خلاص فاحنا النهاردة شهر شعبان مهم اوي عشان نجهز الانية عاوزين ننضف كل اناء عندنا كده الشهر ده تجهيز الاواني

للمعاني بنجهز الاواني للمعاني انا هحط لك الحاجات دي فين؟ عاوز اديك انا اديك العصير ده فين - [00:16:44](#)

فالحب هيتحط فين ما الحب ده واحد بيقول لك انا عاوز احب ربنا. عاوز يكون عندي حلاوة ايمان. انا عاوز اكون عندي الخشية. واکون عندي الرجاء عالي. اكون دايمًا عندي خوف - [00:17:10](#)

من يعني خوف من العقوبة وعندي رجاء للمثوبة. وعندي حب لله سبحانه وتعالى. الحاجات دي معاني دي المعاني دي كلها قلبية هتتحط فين الحاجات دي عشان تتحط محتاجة انية ايه بقى الاناء بتاعي - [00:17:22](#)

الوعاء اللي هنحط فيه ده اللي هو ايه بقى؟ العبادات انا دلوقتي شوية حب شوية تعظيم شوية خوف شوية رجاء. الحاجات دي هتتحط فين؟ عشان تتحط لازم تتحط في مكانها - [00:17:42](#)

فانا هقوم دلوقتي اصلي هقرأ قرآني هانفق. ساصل ارحامي اتواصل مع كل اخواني. آآ اصل جيراني. الحاجات دي؟ اه اتحط فيها بقى العسل المصفى واخدين بالك؟ لكن بعض الناس بيبقى قاعد ومستني الشهد. طب ما احنا لو جت لك دلوقتي محبة. المحبة دي هتتحط فين - [00:17:57](#)

المحبة دي يا اولي الابواب اين ستوضع عشان كده هذا الشهر عاوزين نجهز الايه؟ الاواني. عاوزين نجهز الوعاء. عاوزين نجهز الاواني. لجمال المعاني الفهم بيربح الجماعة دايمًا يكتبوا كده على السيارات والتكاتك والحيطان اللي بيضمهم بيربح - [00:18:19](#)

عشان كده كان بعض الصالحين احيانًا يدعى لجنائز واحد يقول له في جنازة هنا فيقول له انتظر قليلا السانية كده وبعدين يتحرك يقول له يلا فالراجل تغرب قوي يقول له انت وقفنتي وبعدين قلت لي يلا ليه - [00:18:43](#)

كان بيقول له ايه؟ امهلني حتى انوي يعني هو عاوز يعني يحرك الحاجة اللي جوة عارفين الفكرة دي فكرة ايه هو لو والدتك اعطتك كأس اه كوب من الشاي وسبت السكر بدون تقليب - [00:18:57](#)

ايه اللي هيحصل يعني انت دلوقتي بتحب السكر معلقتين ونص حطينا لك كوابية الشاي وحطينا لك فعلا معلقتين ونص وما حدش قلبهم اللي هتيجي تشرب هتحس بحاجة هيكون فيه مرارة مش هيكون له طعم صح؟ اه - [00:19:19](#)

احنا بقى دورنا في الفترة دي احنا بنحرك وبنقلب السكر اللي جوانا عشان نبدأ نزوق كلنا عارفين المعاني اللي انا بتكلم فيها دي. معاني شعبان احنا عارفينها وكلنا عارفين الصدقة وعارفين الكلام ده كله - [00:19:37](#)

لكن الاجتماع الاجتماعات دي آآ هي دي اللي بتعمل ايه؟ شوية بنحرك السكر في الشاي ربنا سبحانه وتعالى كفترة جعل في كل قلب انسان مسلم فيه سكر دورك انت كمصلح دورك انت كداعية قلب ياللا بقى حاول تقلب السكر دا شف السكر اللي في والدتك وقلبه شف السكر اللي في - [00:19:53](#)

اختك وقلبه تشوف السكر اللي في جارك وحاول تقلبه. شف السكر اللي عنده اولادك وحاول تقلبه قلب بس احنا مش محتاجين نعمل عصير كامل ولا نعمل مشروب كامل المشروب موجود. هو بس فكرة ايه؟ يعني نحرك الدنيا شوية - [00:20:16](#)

فالعقم ده اللي هو الانسان انطلق منه آآ هيفهم كثير قوي ولزلك دايمًا نقول المحركات بعد توفيق الله هو حضور المعنى. انك تعيش لمعنى فلن تستطيع ان تترك اثر الا بعدما تستمتع بالمعنى - [00:20:34](#)

معنى تدركه واثر تتركه اذا ادركت اثرت فالاسر اللي هتتركه في رمضان واواخر رمضان هو المعنى اللي هتعيشه في رمضان وقبل رمضان. المعاني دي مهمة قوي لو الواحد استوعب هيفرق كثير قوي - [00:20:53](#)

عشان كده احنا بنقول في شعبان ان الله يقبل ويقبل عليك بهذه المواسم ويقبل من استقبل هذه المواسم ويقبل عليك بهذه النفحات وهذه الخيرات ويقبل من يأتيه معتذرا فكيف بمن يأتيه طواقا؟ او مال يجي له بقى مشتاق - [00:21:14](#)

كما كان النبي صلى الله عليه وسلم كان النبي تواق يتحرى قاعد يتحرى آآ عبادته في شهر شعبان هتبقى ايه؟ الاخبار. عشان كده شهر شعبان ده معناه يا جماعة هل تعلمون حديث رسول الله صلى الله عليه وسلم اذا كانت اول ليلة من ليالي رمضان - [00:21:39](#)

عارفين الحديس ده؟ اذا كان اول ليلة من ليالي رمضان فتحت ابواب السماء ابواب الجنة اغلقت ابواب النار النيران. المهم ايه وفي كل ليلة عتقاء الليلة الاولى من رمضان يعني بكرة رمضان النهاردة هيبقى فيه تراويح صح؟ فدي هتبقى اول ليلة - [00:22:03](#)

اليس كذلك مش دي هتبقى اول ليلة طيب بما ان ان الليلة ديت هتبقى اول ليلة احنا لسه لسه ما صومناش لسه هنعصم بكرة

هنتسحر النهاردة بالليل وبعدين نبقي اول يوم صيام - [00:22:21](#)

انتم عارفين ان في ناس قبل اول صيام ربنا سبحانه وتعالى هيكون اعتقها من النار وله في كل ليلة عتقاء انت مدرك اللقطة دي يعني في واحد لسه ما صامش - [00:22:36](#)

خلاص؟ داخل مخلص داخل خد كارنيه نادي من النار. صحيفته زادت ايه؟ بياضا. ليه لان مسل هذا الرجل نحسبه والله حسيبه ان ايمانه شع وبان في شعبان شعبان. فحصل اشعاع عارفين كده يقول لك انا شايف شعاع من بعيد. هو ايمانه كده ايه؟ بقى مشعشع. انتعش - [00:22:53](#)

فحصل ليه البيان الجميل ده عشان كده شعبان ده انت هتتعش فيه ايمانك تنعش فيه شغلك وحاول تحط ليك لشعبان دي رؤية كلمت انا قبل كده في جدول اعتقد ان هو ممكن يكون مناسب وممكن تراجعوه - [00:23:22](#) ويمكن دايم اقول لكم على اللقطة ديت حاولوا تاخذوا من اسم الحاجة حاجات ارتباطات اللي بيسموها العلماء في التربية الارتباطات الشرطية حاجة يس مجرد تذكير زي اللي بيكتب جدول اللي بيعمل اي حاجة - [00:23:42](#) قعدت خد شعبان دي وخذ من كل حرف حاجة تحركك فمممكن تاخذ من الشين ديت شعار انا هيكون لي شعار ايه شعاري في شعبان؟ شعاري فاستبقوا ممكن في واحد ثاني يقول لي لأ - [00:23:55](#)

انا شعاري كشعاري رسول الله. الله اكبر ما كان شعار رسول الله في هذا الوقت قال النبي لاسامة احب ان يرفع عملي وانا صائم فانا ده شعاري احب ان يرفع عملي وانا شغال - [00:24:11](#)

وانا متلبس بعبادة انا كل يوم هسأل نفسي في شعبان يا ترى عملي النهاردة الصحيفة بتاعتي اترفع فيها ايه ايه اللي كان موجود النهاردة في الصحيفة بتاعتي فاحب ان يرفع عملي - [00:24:26](#)

لازم اكون عملي يكون مرفوع وكل واحد بقى مننا هو وشطارته. وهو ونيته وهو وتوفيق الله سبحانه وتعالى له. كل واحد بينطلق في واحد ينطلق زي ما قلت لحضراتكم من شوية ان الشعار بتاعه شعار السبق - [00:24:43](#)

واحد الشعار بتاعته خلاص كانوا يسارعون في الخيرات يقول لي انا ده شعاري. ليه بقى؟ عمر رضي الله عنه ليه كلمة عميقة جدا جدا في حديث خليني يعني اشرح لكم القصة يعني واصبروا علينا بقى - [00:25:01](#)

عمر رضي الله عنه بيقول مر النبي صلى الله عليه وسلم وانا ومعه ابو بكر رضي الله عنه. على عبدالله بن مسعود رضي الله عنه وهو يقرأ القرآن. فقام فتسمع قراءته. يعني النبي صلى الله عليه وسلم سمع قراءة ابن مسعود - [00:25:20](#)

وبعدين ابن مسعود ركع ثم ركع عبدالله وسجد قال النبي سل تعطى سل تعطى يعني النبي كأنه يدعو يدعو يا رب لو سأل يعطى وكأنه يخبر عن هذا الجمال اللي بابه؟ اللي - [00:25:39](#)

نزل على عبدالله بن مسعود سم مضى النبي صلى الله عليه وسلم وقال من سره ان يقرأ القرآن غضا كما انزل فليقرأه صلى الله عليه وسلم يقول فليقرأه من ابن ام عبد. يعني يقرأها زي ام عبدالله بن مسعود بيقراً. والجمال بتاعه ده جمال عالي قوي - [00:25:55](#)

عمر عملي رضي الله عنه انا عارف ان كلكم عارفين القصة لكن انا عاوز اعلق على القصة في مشهد معين قال فادلجت الى عبدالله بن مسعود ادركني يعني بكرت رحت لعبدالله بن مسعود - [00:26:14](#)

لابشره. شوفوا يا جماعة لابشره شف حب انك تبشر اخوك انك تكون عندك دايم شغف انك تدخل على اخيك السرور فيقول فادلجت الى عبدالله لابشره بما قال رسول الله صلى الله عليه وسلم - [00:26:37](#)

فيقول رضي الله عنه فلما ضربت الباب او لما سمع صوتي قال ابن مسعود ما جاء بك في هذه الساعة ايه اللي جابك في الوقت ده قلت جئت لابشره بما قال رسول الله صلى الله عليه وسلم - [00:26:56](#)

يا سلام على الجمال شوف اما في واحد يجي يبشرك برؤية يقول لك انا شفت النبي صلى الله عليه وسلم وقال لي كلم الاخ فلان وقل له كذا او بالذي الاخت فلانة بكزا. ياه على الجمال - [00:27:16](#)

فما بالك بقى ان عمر اللي جاي يبشرك فماذا قال ابن مسعود رضي الله عنه قال ابن مسعود قد سبقك ابو بكر. ابو بكر سبقك عمر

بيعلق بيقول ايه بقى؟ بيقول لفر انا عاوزك ان اللفظ ده - [00:27:31](#)

يكون معك في شعارك قال ان يفعل فانه سباق بالخيرات ما استبقنا خيرا قط الا سبقنا اليها ابو بكر. خلصت. بيقول له احنا بص هو فاعل لو حصل هو سباق - [00:27:50](#)

تقدري وتقدر يكون ده شعارك في رمضان ما استبقنا خيرا قط الا سبقنا اليه خلي بالك يا جماعة الشخص ده اللي هو مين عشان بعض الناس برضه بيقى مستوعب هو مين الشخص ده - [00:28:12](#)

ده شخص نزل ليه صك بالامان ابو بكر في الجنة خلاص صاحب رسول الله. ومع ذلك مش ساكت لازم اطلع الاول في كل حاجة اطلع الاول سبحان الله! لان هم اتعلموا من النبي صلى الله عليه وسلم - [00:28:27](#)

هو النبي صلى الله عليه وسلم كان كده برضه النبي صلى الله عليه وسلم كان كده في يوم من الايام حد من الصحابة واظن ان هو عقبة لابن عامر رضي الله عنه. يحكي لنا مشهد عجيب قوي - [00:28:46](#)

للنبي صلى الله عليه وسلم المشهد ده هو استغربه والصحابة استغربوه بحياة النبي صلى الله عليه وسلم فبيقول ايه بيقول صليت مع النبي صلى الله عليه وسلم العصر بيقول في يوم من الايام انا صليت مع النبي صلى الله عليه وسلم ايه؟ صلاة العصر - [00:29:00](#)

فايه اللي حصل؟ حصل موقف غريب جدا جدا المفترض بعد صلاة العصر الناس بتقعد تقول الازكار صح يعني انا اقعد بقى اقول ايه الزكر بتاعي قال فسلم صلى الله عليه وسلم. ثم قام مسرعا. قام على طول واياه؟ وساب الصحابة - [00:29:25](#)

فتخطى رقاب الناس الى بعض حجر نساءه. يعني مشي بسرعة وعدت الصفوف وهي قاعدة بيقولوا الازكار ففزع الناس من سرعته فالناس شكوا واتضايقوا وخافوا قالوا في ايه؟ في ايه؟ في ايه؟ - [00:29:44](#)

ثم خرج عليهم صلى الله عليه وسلم فرأى انهم عجبوا من سرعته الناس متعجبة قوي فقال ذكرت شيئا من تبر عندنا فكرهت ان يحبسني فامرت بقسمته. يا سلام! ايه الجمال ده - [00:30:01](#)

بيقول لهم انا تذكرت ان انا عندي جزء ذهب فيه واحد يعني ايه؟ فيه صداقات عندي الجزء ده انا خشيت ان انا اسرح او اموت وهو عندي في البيت فعلى طول اول ما تزكرته جري هات طب يا رسول الله خلص الازكار - [00:30:18](#)

لا اتحرك النهاردة انت ممكن يكون في حد مديك متين جنيه عشر تلاف جنيه يقول لك دول زكاة بقى لهم خمس شهور عندك انت فين التسابق؟ فين السبق بتاعك هنا النبي صلى الله عليه وسلم لما شافوه كده هم بقوا عندهم السبق ده. فشف ابو بكر رضي الله عنه -

[00:30:37](#)

عشان كده يا جماعة احنا هنا مش عاوزين ان احنا ندفع يقولوا ان في عبد التحاقي وعبد استباقي. الالتحاق الذي يحتاج ان يدفع الاستباقي الذي يصل بالاشواق فهناك من يدفع وهناك من يرفع - [00:30:58](#)

في واحد قاعد تزق فيه وفيه واحد بترفعه فعلى حسب انت بقى عاوز تكون ايه فالفترة اللي جاية دي احنا عاوزين نركز شوية في رمضان وقلنا ان يكون لي شعار فالشيين دي انا ممكن اخذ منها الشعار - [00:31:19](#)

والعين رفع الاعمال رفع الاعمال ترفع الاعمال في هذا الشهر طب انا عاوز ارفع اعمالى ارفعها ازاي؟ رقم واحد ارفع اسمك من الشحنة تقدر على الحديد اللي حسنه بعض العلماء - [00:31:40](#)

كالالباني وغيره ان الله يطلع في ليلة النصف من شعبان فيغفل اطلاق خاص يعني يليق بجلاله ويغفر للناس الا اتنين اهل القطيعة قطيعة السماء وقطيعة الايه اهل الارض ناس بينهم وبين بعض شحنة وغل وحقد - [00:31:57](#)

رفع الاعمال انك ترفع صحيفتك من الشحنة قايمة الشحنة دي في حد غالي عليك انك تتحرم المغفرة بسبب انك بينك وبينه مشاكل الله يغفر لكل الا المشرك والمشاحن انت في حد غالي عليك عشان كده - [00:32:16](#)

ترفع اسمك من الشحنة واتنين انك ترفع اسمك من الغفلة مش يغفل عنه كثير من الناس؟ اه طب وهي في اعمال ممكن ما تخلينيش غافل؟ ياه! فيه كتير اقول لك على واحدة بس. واحدة بس تفوقك ان شاء الله - [00:32:38](#)

من قام بعشر ايات عشر ايات الفاتحة قل هو الله احد قل اعوذ برب الفلق قل اعوذ برب الناس انت اتعديت العشرة لم يكتب من

الغافلين ما تتكتبش من الغافلين - 00:32:55

عمل بسيط جدا فانا يبقى كل يوم ابص على العين بتاعة شعبان هل انا اخبار رفع العمل بتاعي؟ انا عملي النهاردة اترفع ازاي؟ يا ترى اترفع انا كنت صايم ولا لا؟ طب انا ما قدرتش اصوم - 00:33:11

طيب فطرت حد ما قدرتش طب دعيت حد انه يصوم وارفع اعمالى الباب ده مهم اوي اوي افكر فيه ورفع الاعمال طيب والالف؟ شعبان او الباء الاول؟ بقى البركة انك تحاول بقدر الامكان تفهم اصلا ما معنى البركة - 00:33:28

ان بعض الناس حابس البركة فين اه البركة في الفلوس البركة في مش عارف ايه وكده لأ يا جماعة في بركة في في القلب في بركة في المعاني في بركة في الفتوح - 00:33:49

في بركة في الاعمال الصالحة. في بركة في البر في بركة في صلة الارحام. في بركة في السكينة في بركة في الطمأنينة. في بركة مع القرآن في بركة في بالرحمن - 00:33:59

فيه بركة انك تفهم وانك يعني الموضوع كله مش مجرد الامور الدينية فقط قصدي الدنيوية فقط لأ في بركة ورزق في الامور الدينية ايضا النبي صلى الله عليه وسلم كان بيحب الزراع الكتف - 00:34:10

بياكل الكتف في الشاة ففي يوم من الايام ذبح له شاة وبعدين تصدقوا بكل حاجة الا الكتف عشان النبي بيحبها. فقال ما بقي فقال يا رسول الله لم يبقى الا الكتف - 00:34:27

قالوا يا رسول الله خلاص احنا تصدقنا بكل حاجة الا الكتف. فماذا قال النبي صلى الله عليه وسلم فقال بل بقي كلها الا كتفها كله بقي ايه الوحيد اللي ما بقيش اللي انت خدته - 00:34:44

شفتهم الجمال ايه ايه اللي بقي اللي بقي في صحيفتك اللي بينترزك غدا يوم القيامة هو ده اللي باقي هو ده اللي باقي مش الفلوس اللي انت عاينها وبتخزنها كل شوية جنيه ورا جنيه ورا جنيه هو ده كده باين لأ - 00:35:00

هتفهم مفهوم البركة النبي صلى الله عليه وسلم عشان تعرفوا ان الشهر الخاص آآ بيقول لصحابي من اصحابه رضي الله عنهم ببسألوا سؤال غريب جدا حديس عمران رضي الله عنه - 00:35:18

قال قال النبي لرجل هل صمت من سرر هذا الشهر شيئا من شهر شعبان يعني. الصور دي لعلماء اختلفوا فيها الخلاصة يعني انت صمت من ايام شعبان شيء فقال لا يا رسول الله. انا ما صمتش. فشوف النبي بيقول له ايه بقى - 00:35:32

فاذا افطرت رمضان تصوم يومين شف الكلام الجميل بقول له لو خلصت رمضان صم يوم او يومين الراوي يعني اختلف فشوفوا الكلام النبي صلى الله عليه وسلم حريص ان الصحابة - 00:35:51

يكون لهم حزم مع شهر شعبان لدرجة حتى لو جينا في رمضان وما لحقتش شعبان يعني حاول بقدر الامكان انك تعوض لو تصوم يومين كانك بتقضي ما فاتك من الخير - 00:36:08

ايه الجمال ده ففكرة انك تدرك ان هذا الشهر له خصوصية وان ممكن يبارك ويزود عمرك عشان جاء النبي صلى الله عليه وسلم بيقول احب ان يرفع عملي وانا صائم. وانا متلبس بطاعة - 00:36:25

ولذلك لما اتى لي رضي الله عنه ابو امامة ابو امامة بيقول للنبي صلى الله عليه وسلم مرني بعمل. في حديس طويل يعني فقال صلى الله عليه وسلم عليك بالصوم فانه لا مسل له - 00:36:42

ما لوش مسيل شوفوا الراوي بيقول ايه بقى فما رؤي ابو امامة ولا امرأته ولا خادمه الا صيامه البيت كله خلاص الراجل وزوجته والخدم شفتهم يا جماعة البيوت زمان كانت عاملة ازاي - 00:37:01

البيوت كلها راحت في اتجاه تاني لدرجة فكان اذا رؤي في دارهم دخان بالنهار قيل اعتراهم ضيف نزل بهم نازل بيقولوا حتى لو شافوا يعني بالصبح بقى في طبخ والريحة جميلة وبتاع يقول لك ده فيه ضيف وش احنا عارفين البيت ده. شف يا عم فيه بيت

ينعت ان هو من بيت من - 00:37:22

بيوتس ايه؟ الناس الصيام يعني اهل الصيام فنسأل الله ان يرزقنا. فيبقى الباء دي تعيش معك ليه؟ بقى البركة في الوقت. البركة في

الايه؟ في كل حاجة كل واحد بقى يا جماعة يربط اللي هو عاوزه بقى يخلي الباء ديت باقي البر - [00:37:45](#)

آآ باقي الحب آآ اللي هو نفسه فيها بقى والالف دي الف الاحتساب او الف اجود ما يكون. وان شاء الله يكون لنا بازن الله سلسلة مكثفة عن مفهوم اجود ما يكون قبل رمضان. نسأل الله ان يعيننا واياكم - [00:38:01](#)

وان نتطرق ليها ان شاء الله اه مم التعامل ازاى تكون عبادتك من اجود ما يكون وهنتطرق شوية شوية للتفصيل اه للصلاة بازن الله. ربنا يعيننا بحيس ان نتعلم يعني ايه احتساب ويعني ايه اكتساب - [00:38:20](#)

لان رمضان وشعبان ولمواسم الخيرات لن توفق فيها بالحساب. ولكن بالاحتساب انك تدرك هذا العمق ومن احتسب اكتسب فانتسب زي ما بيقول يعني كثير من اهل الفضل انك تنتسب لهذا لاهل الشوق دول - [00:38:38](#)

وانك تكون فعلا منتسب لاهل الصدق والنون بقى خليها قرآن لان ده شهر القراء. رمضان شهر التلذذ بكتاب الله ولن تتلزز الا بعدما تتجهز ففي شعبان تتجهز مع القرآن ففي رمضان تتلزز - [00:39:02](#)

فشعبان نون القرآن نون النفقة النفقة النفقة على الفقير فرغهم لعل الله يفرغك. اما تيسر على الفقير دلوقتي في الاوقات الجميلة اللي احنا فيها فلعل الله سبحانه وتعالى يطالع على قلبك فيجد عندك هم - [00:39:27](#)

وهمة انك تفرغ الفقراء. الفقير داخل رمضان مهموم الاكل والشرب والتعليم هموم. فلما يعني تسنده ببعض الاشياء فتطمئن قلبه فيدخل ليتفرغ للطاعة فلعل الله يكرمك ويؤنسك ويطمئن قلبك ويكسوك يعني رحمة ويفرغك ان شاء الله في فضله وكرمه - [00:39:48](#)

انك اعطيت هذا الرجل هذا التوفيق فالنفقات نفقة نفقة على انك نفقة على المساجد شوف المساجد اللي حوالياك محتاجة ايه آآ يا جماعة كثير منا من ينفق في كل شيه الا في الدعوة وفي خدمة دين الله وفي نشر الاسلام - [00:40:20](#)

النهاردة هتعمل ايه انت للمساجد؟ شف المساجد اللي حوالياك المساجد اللي كلنا ممكن نشتكى ان السماعات بايزة ما تشوف قل له انا عاوز اركب لك افضل سماعات بحيس انا اما اسمع القرآن اسمع بصوت - [00:40:39](#)

يريح قلبي يبقى ما فيش شوشرة. ابني ينزل يصلي التراويح مهما كانت وقتها قليل. لكن راجع استمتع بالصوت صوت السجاد نفسه. اشوف النهاردة بدل ما يشتكى الناس من السجاد ويشتكوا ان الريحة مش عارف ايه. انا يا رب - [00:40:54](#)

ساتعبد في هذا الشهر واكون انسان ابراهيمي كما قلت له وطهر بيتي فانا ساطهر البيوت التي بجواري يا رب انا هيكون لي دور في تطهير البيت انزل انا واولادي واخلي زوجي يتفق مع اهل المسجد في الحي - [00:41:12](#)

ان احنا ننزل قبل رمضان وننصف المسجد كله. ليه؟ يا رب ان لم نكن من الصالحين فاجعلنا يعني خدام للصالحين يا رب انا لو كنت مش هعمل حاجة كبيرة فانا نزلت انا واولادي - [00:41:33](#)

انا واختي انا ويعني وزوجي. عشان نطهر المكان ده. احنا عارفين ان في ناس هتيجي. تسجد وتبكي ويا ترفع يدها بالدعاء في هذا المكان فاردنا ان نطهر هذا المكان ونهيب هذا المكان للعباد - [00:41:49](#)

فلعل الله يهيب قبرك ويهيب قلبك ويهيب صحيفتك ويطهرها من كل ما يعيبك يوما من الدهر انك انت بتطهر بتهيب المكان ده والله المسل الاعلى لو في يوم من الايام في ضيوف جايبين عند اختك او جايبين عند خالك او جايبين عند اي حد - [00:42:09](#)

وانت نزلت من بيتك وقلت ارواح اساعد والدتي اساعد اختي عشان الضيوف اللي جايبين لان النهاردة فرح اختي ولا كتب كتاب اخي فانا هروح اجهز البيت واساعد البيت والكلام ده كله - [00:42:33](#)

يفرحوا ولا ما يفرحوش اكيد هيفرحوا يعني هيحاولوا يشكروك في يوم من الايام على المعنى ده ولا لا اذا كون انت تكون مهموم ببيت ربك مهموم يا ترى مصلى النساء النهاردة اذن. نسأل الله ان يرفع البلاء على الامة. النهاردة مأزون ان النساء هينزلوا ويصلوا - [00:42:45](#)

يا ترى مصلى النساء جاهز ولا مش جاهز؟ يا ترى هنعمل مكان للاولاد ولا لا للاطفال عشان الامهات لا تحرم؟ يا ترى هنعمل كل واحد بقى ونعيم الله له النون دي ممكن تبقى النموذج المصغر خلي يوم من الايام بتاعة شعبان تبقى سمة رمضانة كانه يوم رمضاني

بامتياز من ساعة ما تصحى - 00:43:07

من النوم او بالليل تتسحر هنتسحر يوم تصومه عادي جدا كأنه يوم رمضاني بامتياز تتسحر تقعد للشروق تقرا القرآن وبعد ما تقرا القرآن يعني تحاول بقدر الامكان انك يعني تستعامل مع اليوم ده كأنه يوم رمضاني كامل. وتيجي بعد العشاء تصلي تراويحك وتصلي - 00:43:30

قيامك ثم تنام فتحس ان هو يوم رمضاني كانك بتتدرب عارفين كده الجماعة اللي بيتدربوا سواء في الجيش او بيتدربوا في الملاعب الرياضية يعني يقول لك خلاص تعالى نعمل نموزج كامل مصغر - 00:43:52

فالباب ده لعل يكون شعبان بالنسبة لنا يعني سبب في اه ان ايماننا يشع في هذه الاوقات ويكون ان شاء الله يعني شعبان كأن بشعاعه خربش القلب واطهر وببين وابان عن آ هذا الصدر - 00:44:08

كنت اتمنى ان انا اكمل النهاردة لكن خلاص الوقت يعني طولنا عليكم في المقدمة الطويلة قوي دي آ لكن ان شاء الله المرة القادمة هنتكلم معكم عن ازاي انا استعد في الوقت ده - 00:44:32

عقليا وقلبيا وجوارحيا. بالجوارح والعقل والقلب. الثلاثة لازم نشتغل هيكون اقبال العقل واستثماره اقبال العقل يكون بالتعلم

والتخطيط واقبال القلب يكون بالاستشعار والتطهير واقبال الجوارح يكون بالنصب والديمومة وهنشوف - 00:44:49

ايه اللي ممكن يعطلنا عن الحاجات ديت مشتتات رمضان لان في ناس بتتعامل مع شعبان ان هو شعبان. عارفين المفهوم ده عاوز

يشع ياكل كتير بتاع. ده فاهم شعبان غلط خالص - 00:45:14

في الحروف لان شعبان العين الاول انك تنتبه لرفع الاعمال في ناس آ ممكن يحصل له دربكة وبالتالي المجموعة دي بتدخل رمضان

آ بتتعامل معه ان هو مش رمضان خالص رمضان. يبقى خلاص يعني اتضرب - 00:45:28

فمفهوم رمضان محتاجين نبص عليه من مفهوم ثاني. يعني مفترض رمضان ده النساء والامهات والكلام ده كله يقل وقتهم في

المطبخ ولا يزيد؟ منطقيا كده المفترض ايه؟ الوجبات قلت؟ والناس صايمة والكلام ده يقل. عمليا ايه اللي بيحصل؟ الناس بتزيد -

00:45:52

صح؟ ليه؟ لان في مشكلة في المقاصد. في لعب في مقاصد العبادة دي فهنا شهر رمضان ده يا جماعة انا محتاج افهمه كويس اوي لان

شهر رمضان باختصار انا لو دخلت وانا فاهم ادرك كويس اوي لما الله سبحانه وتعالى يقول انزل فيه القرآن سادرك - 00:46:14

ان ما الصوم الا عبادة نقوم بها شكرا لله على انزال القرآن فهتلاقي مفهوم ثاني مختلف تماما انت بتبص على الصوم بطريقة مختلفة

خالص ما بتشوفوش بقى وراسي مصدعة لا لا لا ده انت بتشكر ربنا على نعمة كبيرة زي ما بنشكر ربنا في المعاني الكبيرة زي يوم

عاشوراء نجى الله فيه موسى - 00:46:35

فانت بتشكر ربنا اللي انزل فيه القرآن فدي من المقاصد انك مهمة قوي انك تكون مدرك اه يعني ايه رمضان؟ لكن ان رمضان مش

معناه الزحمة في الهيبيرات. الزحمة على المحلات - 00:47:00

الزحمة دي العقلية الاستهلاكية دي ينبغي الا تكون ابدا موجودة الامة المحمدية في هذا الشهر لكن لاسف اما نيحي نشوف بنلاقي ان

احنا بنستهلك اكثر في حين المفترض الوقت ده هو وقت عمليا ومنطقيا وقت توفير - 00:47:13

فمحتاجين ان احنا نعيد النزر ونهيب البيوت ونتفق مع الاسرة نتفق مع اولادي نتفق مع الزوجة ازاي يكون وقتها قليل ليه؟ لان هي من

حقها ان هي تستمتع ايضا برمضان - 00:47:37

اي نعم معزم النساء تقريبا رمضان ده هم واخدين فيه الاجر العالي وتقريبا شبه الاجر له حد اشمل واكبر اجرهم واخدينه لان لو ما

بيعملوش الا ان هم بيفطروا الصائمين - 00:47:52

وبيسحروا الصائمين لكفاهم يعني واخدين اه لان اميز عبادة في هذا الشهر هي عبادة الصوم لما يكونوا هم واخدينها بامتياز يعني

يعني لو في فعلا رجال بينافسوا في الخيرات هيحاولوا بقدر الامكان يوفروا عليهم وينافسوهم في وقت من الاوقات - 00:48:08

فنسأل الله ان يرزقنا التوفيق ويعيننا واياكم على ما يحب ويرضى وصى ان يرزقني واياكم حسن الاقبال عليه وحسن الوفادة عليه

ويمن علي وعليكم بحسن عمل وحسن خلق وحسن ختام. اقول قولي هذا واستغفر الله لي ولكم - 00:48:30